

تأمل

مرد أوشية السلام ... صفات الكنيسة

صلوا من اجل سلام الواحدة الوحيدة المقدسة الجامعة الرسولية كنيسة الله الارثوذكسية
لو ركزنا هنلاقي المرد ده بيوصف أهم 7 صفات في كنيسة العهد الجديد ... تعالوا نشوف

؟ المصدر : [كتاب كنيسةي الأرثوذكسية ما أجملك](#)

أوشية السلام بيقول فيها أبونا:
أذكر يا رب سلام كنيستك الواحدة, الوحيدة المقدسة, الجامعة الرسولية
الشماس بيرد:

صلوا من اجل سلام الواحدة الوحيدة المقدسة الجامعة الرسولية كنيسة الله الارثوذكسية

لو ركزنا هنلاقي المرد ده بيوصف أهم 7 صفات في كنيسة العهد الجديد ... تعالوا نشوف



🚩 1 - الواحدة

الكنيسة هي جسد السيد المسيح ... جسد واحد فيه روح واحد ... ماينفesh يتقسم
آه فيه أعضاء كثير لكن في الآخر جسد واحد

🚩 2 - الوحيدة

فيها صفات مش موجودة في أي حاجة تانية ... بتنفرد بيها و تميّزها ... أهم الصفات دي:

- 1. مسكن الله مع الناس ... ربنا بيتحد معنا في الكنيسة من خلال الافخارستيا
- 2. التقاء السماء بالأرض ... بنصلي و حوالينا أيقونات ملايكة و شهدا و قديسين ... و في القداس بنسبح معاهم و نذكرهم في المجمع

🚩 3 - المقدسة

الكنيسة اتقدست و اتدشنت بالميرون ... فبقت قدس لربنا (يعني خاصة به) و عشان كده الافخارستيا جوة الكنيسة

🚩 4 - الجامعة

- 1. كل المؤمنين بدون تمييز ... الكنيسة الصح مفيهاش أي تمييز بين الناس على المستوى المادي أو الاجتماعي أو ...
- كل المؤمنين ولاد ربنا جايين يصلوا
- 2. تجمع مستويات روحية مختلفة (خاطي, تايب, ثابت)

🚩 5 - الرسولية

كنيستنا مبنية على أساس الرسل و الأنبياء و ربنا يسوع حجر الزاوية ... قائمة على الامتداد و التسليم (من الرسل للبطاركة, كل جيل يسلم جيل الإيمان زي ما استلمه)

🚩 6 - كنيسة الله

بتاعة ربنا, ملك لربنا ... مش لأي حد

🚩 7 - الأرثوذكسية

يعني مستقيمة التمجيد و الإيمان ... مهمتها الحفاظ على الإيمان الصحيح و تسليمه من جيل لجيل